



Sud Bosne i Hercegovine
Sud Bosne i Hecegovine

Broj: S1 3 Iž 037371 20 Iž
Sarajevo, 13.10.2020.godine

Sud Bosne i Hercegovine, u drugostepenom vijeću sastavljenom od sudija Zvezdane Antonović, kao predsjednika vijeća, Mirsade Džindo i Dinke Bešlagić-Čovrk, kao članova vijeća, odlučujući o žalbi Milivoja Melezović, Neđe Melića bb, Šekovići, izjavljenoj protiv Odluke CIK BiH broj 05-1-07-1-998/20 od 01.10.2020. godine, u nejavnoj sjednici, održanoj dana 13.10.2020. godine, donio je

R J E Š E N J E

Žalba se odbija

O b r a z l o ž e n j e

Odlukom Centralne izborne komisije Bosne i Hercegovine broj 05-1-07-1-998/20 od 01.10.2020. godine odbijen je upis u izvod iz Centralnog biračkog spiska za glasanje izvan BiH. Sastavni dio odluke je tabela sa sa imenima odbijenih birača za upis u izvod.

S obzirom da nije prihvaćena prijava za upis u izvod iz Centralnog biračkog spiska za glasanje izvan BiH, žalitelj je uložio žalbu navodeći da je adresa na koju se lično prijavio Kraljevo, Leševo 6, te dodaje, da je, u cilju sprječavanja zloupotrebe vlastitih dokumenata, ovjerio svoju izjavu kojom potvrđuje da je sve što je navedeno u prijavi, tačno.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Iz stanja spisa proizlazi da je CIK BiH prije donošenja osporene odluke, a prilikom razmatranja prijave dostavljenih za žalitelja, utvrđeno da su za navedeno lice dostavljene dvije (2) prijave na obrascu PRP-2-Prijava za glasanje izvan BiH, te su navedene različite adrese na koje će biti upućen glasački materijal. U konkretnom slučaju u prvoj prijavi je navedena adresa Branka Radičevića 42, 22330 Nova Pazova, R Srbija, dok je u drugoj prijavi navedena adresa Leševo 6, 36000 Kraljevo.

I po shvatanju apelacionog vijeća, druga dostavljena prijava Gavranović Dragana, se ne može smatrati obavješću o promjeni podataka u smislu člana 3.16 stav 1. Izbornog zakona BiH, s obzirom da podnositelj žalbe podnošenjem druge prijave nije ukazao da ima saznanja o podnešenoj prvoj prijavi, kada bi se mogla cijeliti da druga podnesena prijava predstavlja promjenu podataka o boravištu u inostranstvu.

Tačna adresa stanovanja državljanina BiH koji privremeno živi u inostranstvu, ima biračko pravo i upisan je u Centralni birački spisak, predstavlja obavezni element prijave propisan članom 3.15 stav 1 Izbornog zakona (Sl. glasnik BiH br.23/01 sa izmjenama). Državljanin BiH je shodno članu 3.16. stav 1 citiranog zakona obavezan CIK obavijestiti o promjeni podataka koje je predhodno dostavio i to do isteka roka utvrđeno za podnošenje prijave za glasanje van BiH.

Kako podnosilac žalbe nije dostavio u smislu člana 3.15 stav 1. i 7. Izbornog zakona BiH potvrdu nadležnog organa o prebivalištu/boravištu izvan BiH, to i prema shvatanju apelacionog vijeća CIK BiH nije bila u mogućnosti da utvrdi koja je od podnesenih prijava vjerodostojna. Tu činjenicu je dužan dokazati podnositelj prijave u smislu navedene odredbe Izbornog zakona BiH. Stoga je pravilna i zakonita odluka CIK BiH kada navedenom licu odbija upis u izvod iz Centralnog biračkog spiska za glasanje izvan BiH.

Napomene radi, žalitelju nije oduzeto biračko pravo za Lokalne izbore 2020.godine, nego samo mogućnost glasanja putem pošte izvan BiH, jer isti može glasati na redovnom biračkom mjestu u općini u kojoj ima prijavljeno prebivalište u BiH.

Obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
SUDIJA
Zvezdana Antonović**